

M. de Luylichem

A. Madame.

A Paris ce 21.^e Nou. 1669.

Jl me tarde bien fort de recevoir l'honneur
des ordres de V. A. mais je ne laisse pas de
bien considerer les tristes embarras qui appar-
temment l'ont empeschée de me les departir
si promptement qu'en une autre saison je les
eusse pu avoir. Cependant ie croy aussi que
V. A. n'attend rien de moy qui soit d'importan-
ce. Tout consiste à balancer, si, et jusques
à quand nous demeurerons accrottez à M.
l'Amb.^r d'Angleterre,
J'en reuiens hier au soir, aussi incertain que
jamais quand il me dit qu'il espere qu'ils
seront bien tost en estat de recommencer à
parler, il ajouste que ce ne sera pas si tost
qu'il le souhaiteroit bien, et je me confirme
de plus en plus dans l'opinion, qu'il a
l'oeil sur le succès de leurs armes contre
nous. Comme toute fois il est personnage fort
discret, quand je luy represente ce que Son
A. va souffrant et en son honneur et en sa
bourse, et de quelle maniere la misere et
le desordre de ses Subjets va croissant de

jour en jour sous la domination estrangere
il m'escoute avec assez de tendresse, et ne
tesmoigne pas trop d'auidision de ce que je luy
prie d'en donner à connoistre et à considerer
à M. le Chancelier, qui en nostre mal
nous traite comme un medecin qui ne
feroit que gronder et menacer la Fièvre
de son malade, sans faire paroistre aucun
Remede à l'en guerir. led^t. S^r. Ambass^r.
me demanda apres forces discours si je jugeo
donc que le Roy de France refuseroit tous
jours le Roy son maistre: et je respondis
que je ne croyois pas seulement cela, mais
bien plus que tant que la demande se faisoit
sur le mesme pied que plus^{rs} Princes la luy
ont faicte jusques à present, ce ne seroit
pas sa seule humeur inestranlable qui le
feroit perseuerer au refus, mais un pretexte
mesme assez plausible de ne pouvoit
accorder à un ce qui a esté refusé à plusieurs
autres; D'ou resulte sans contradiction qu'il
faut songer à une planche par où ce Prince
puisse sortir sans choquer son naturel, ni
sembler offenser personne
C'est icy le sommaire de mes conuersations

ordinaires avec ce Seign^r: V.A. peut bien
s'imaginer que je ne cesse gueres d'y mesler
mon interest particulier et celui de toute ma
maison, qu'il me faict l'honneur d'asser
bien considerer, mais c'est de quoy j'ay
resolu de ne rompre plus la teste à V.A.
qui sçait assez ce que je souffre sur la fin
de mes jours, et en une saison ou mes Enfans
ont besoin le plus de mon assistance, se
voyans par tout où rebüter ou oublier, où
postposer en toutes sortes d'occurrences de
quelqu'avancement, à ceux qui, peut estre
ne les valent point, et n'ont pas tous de
quoy balancer mes services de tantost
quarante ans sans relache.

V.A. a sceu l'accouchement de la Reine.
Tout ce qu'il y a icy de Ministres estrangers
songeront là dessus aux devoirs de leurs
complimens, et en ces audiences j'ay veu
qu'on ose bien faire quelque mention d'affaires
Si V.A. trouue à propos d'en user par moy
de mesme que d'autres, peut estre cela
pourroit servir à un peu retentir l'esprit
du Roy, et à sonder si cest arbre auquel

nous auons donné tant de coups de coignée
ne commence pas à s'esbranler d'un costé
ou d'autre. Mais il seroit necess^{te} que je
fusse authorisé là dessus d'une lettre, et
qu'il pleust en mesme temps à V. A. me
faire la grace de m'instruire et ordonner
jusques où elle entendroit que j'aurois à
m'estendre au fait d'Orange,
J'ajuste à ce Paquet quelque chose de ce
qui vient d'arriver d'Orange en suite de ce
que les dernieres nous auoyent appris de la
persecution où se trouue le S^r. de Beaufair
Baron de Violès, en reuence, à ce qu'il dit
de ce qu'estant un des principaux Vassaux
de S. A. il s'est mis en deuoir d'exposer
à l'Enuoyé du Roy, et de luy faire
exposer par d'autres les outrages du
Chasteau, les Verbaux en sont si grands
et si vastes que je n'ay pas voulu en impor
tuner V. A. Ce Gentilhomme en escrit à
M. le Duc de l'Ediguere, comme le
touchant de parantage, ainsi que d'autres
grands de la Cour qui asseurement en feront
leurs plaintes au Roy; et ainsi S. M.

verra comme on observe les rigoureux ordres -
qu'elle vient de donner, que le Chasteau n'ait
à se mesler d'aucunes affaires du Prince. Peut
estre viendra-il en personne se presenter au
Roy; ce qui ne nous nuira pas,
J'envoie à M. Buysero le project d'un
Breuet qui doit authoviser le Bureau d'Orange
à l'enregistrement de celui du 10^e Octobre
1663. suranné par la faute des Fermiers -
qui depuis peu de jours seulement l'ont
esté presenter, comme N. A. s'il lui
plait, verra par la lettre dud^t. Bureau cy-
jointe,

[Faint, illegible handwriting, likely bleed-through from the reverse side of the page.]

61

